

# УСЕКНОВЕНИЕ ГЛАВЫ ПРОРОКА, ПРЕДТЕЧИ И КРЕСТИТЕЛЯ ГОСПОДНЯ ИОАННА ВСЕНОЩНОЕ БДЕНИЕ

## **БЛАГОСЛОВІЙ, ДУШЕ МОЯ, ГОСПОДА**, *Благословен еси, Господи./*

Господи, Боже мой, возвеличился еси зело./ Во исповедание и в велелепоту облелся еси./  
Одейся светом, яко ризою, простираяй небо, яко кожу. / Дивна дела Твоя, Господи./  
Покрываяй водами превыспренняя Своя, полагаяй облаки на восхождение Свое, ходяй на крилу ветреню  
Творяй Ангелы Своя духи и слуги Своя пламень огненный. /  
Яко возвеличишася дела Твоя, Господи, вся премудростию сотворил еси./  
Слава Ти, Господи, сотворившему вся.

## **БЛАЖЕН МУЖ**, *иже не иде на совет нечестивых.* Аллилуиа, Аллилуиа, Аллилуиа.

Яко весть Господь путь праведных и путь нечестивых погибнет. Аллилуиа (трижды)  
Работайте Господеви со страхом и радуйтесь Ему с трепетом. Аллилуиа (трижды)  
Блажени вси надеющиеся нань. Аллилуиа (трижды)  
Воскресни, Господи, спаси мя, Боже мой. Аллилуиа (трижды)  
Господне есть спасение и на людех Твоих благословение Твое. Аллилуиа (трижды)  
*Слава, И ныне:* Аллилуиа, Аллилуиа, Аллилуиа.  
Аллилуиа, Аллилуиа, Аллилуиа. *Слава Тебе, Боже (трижды)*

## **ГОСПОДИ, ВОЗВЪАХ К ТЕБЕ**, *услыши мя./ Услыши мя, Господи.*

**Господи, возвах к Тебе, услыши мя:/ вонми гласу моления моего,/ внемди возвати  
ми к Тебе.// Услыши мя, Господи.**

**Да исправится молитва моя,/ яко кадило пред Тобою,/ воздеяние рук моею/ — жертва  
вечерняя.// Услыши мя, Господи.**

**Изведи из темницы душу мою,// исповедатися имени Твоему.** *[СТИХИРЫ ПРЕДТЕЧИ, ГЛАС 6]:*

Рождеству сотворяему безстыднаго Ирода,/ скверная плясавицы исполняшеся сложение  
клятвы:/ Предтечева бо глава, отсекшися,/ яко снедь, ношашеся на блюде возлежащим./ О,  
пир мёрзка,/ непреподобна деяния/ и убийства исполнена!/ Но мы Крестителя, яко в  
рождённых женами больша,// достойно чтуще, ублажаем.

**Да будут уши Твои, внемлюще гласу моления моего.** - *повтор предыдущей стихиры*

**Аще беззакония назриши, Господи, Господи, кто постоит; / яко у Тебе очищение есть.**

**Имене ради Твоего потерпех Тя, Господи, потерпе душа моя в слово Твое, / упова душа моя на Господа.**

Пляса ученица вселукаваго диавола/ и главу твою, Предтече, мзду взят./ О, пир, исполнена  
кровей!/ Лучше бе не клятися, Ироде беззаконие, лжи внуче./ Аще ли же и клялся еси,/ но не о  
добре клялся:/ лучше бе солгавшу жизнь получитьи,/ неже истинствовавшу главу Предтечеву  
усекнути./ Но мы Крестителя, яко в рождённых женами больша,// достойно чтуще, ублажаем.

**От стражи утренния до ночи, от стражи утренния, да уповае Израиль на Господа.**

**Яко у Господа милость, и многое у Него избавление, и Той избавит Израиля от всех беззаконий его**

Не подобаше ти, о Ироде,/ прелюбодеянию обличителя,/ ради рачения сатанинска/ и разжжения  
нейстовнаго блуда/ смертию осудити./ Не подобаше ти того всечестную главу/ пребеззаконней  
жене ради клятвы плясания предати бедне./ О, како дерзнул еси таковое убийство совершити!/ Како  
же не опалися скверная плясавица,/ посреди пира на блюденосящи сию?/ Но мы Крестителя, яко  
в рождённых женами больша,// достойно чтуще, ублажаем.

**Хвалите Господа вси языцы, похвалите Его вси людие.**

**Яко утвердися милость Его на нас, и истина Господня пребывает во век.**

Паки Иродия бесится,/ паки смущается./ О, плясания льстивна и пир с лестию!/ Креститель  
усекашеся, и Ирод смущашеся. Молитвами, Господи, Твоего Предтечи, мир подаждь душам нашим

## **Слава Отцу и Сыну и Святому Духу.**

Рождеству сотворяему безстуднаго Ирода,/ скверныя плясавицы исполняшесе сложение клятвы:/ Предтечева бо глава, отсѣкшися,/ яко снѣдь, ношашесе на блюде возлежащим./ О, пѣра мѣрка,/ непреподобна деяния/ и убійства исполнена!/ Но мы Крестителя, яко в рождѣнных женами больша, // достойно чтуще, ублажаем.

**И ныне и присно и во веки веков. Аминь.**

*[Догматик, глас 6]:*

Кто Тебѣ не ублажит, Пресвятая Дѣво;/ кто ли не воспоет Твоего Пречистаго Рождества;/ безлѣтно бо от Отца Возсиявый Сын Единородный,/ Тойже от Тебѣ, Чистыя, пройде,/ неизреченно воплощся,/ естеством Бог сый,/ и естеством быв Человѣк нас ради,/ не во двою лицу Разделяемый,/ но во двою естеству неслитно Познаваемый./ Того моли, Чистая, Всеблаженная, // помилуватися душам нашим.

**СВѢТЕ ТИХИЙ святія славы Безсмертнаго Отца Небеснаго, Святаго, Блаженнаго, Иисусе Христѣ! Пришедше на запад солнца, видевше свет вечерний, поем Отца, Сына и Святаго Духа, Бога. Достойн еси во вся времена пет быти гласы преподобными, Сыне Божий, живот дай; темже мир Тя славит.**

*[ПРОКИМЕН, ГЛАС 5: Бже, во имя Твое спаси мя, / и в силе Твоей суди ми.]*

*[СТИХИ: Бже, услыши молитву мою, внуши глаголы уст моих.]*

### **ПАРЕМИИ ПРАЗДНИКА**

*[в некоторых храма паремии и лития могут быть пропущены]*

**ПРОРОЧЕСТВА ИСАИИ ЧТЕНИЕ** (из глав 40, 41, 45, 48, 54) *(перевод на русский язык)*

Так говорит Господь: утешайте, утешайте народ Мой, говорит Бог ваш; говорите к сердцу Иерусалима и возвещайте ему, что исполнилось время борьбы его, что за неправды его сделано удовлетворение, ибо он от руки Господней принял вдвое за все грехи свои. Глас вопиющего в пустыне: приготовьте путь Господу, прямыми сделайте в степи стези Богу нашему. Взойди на высокую гору, благовествующий Сион! возвысь с силою голос твой, благовествующий Иерусалим! возвысь, не бойся; скажи городам Иудиним: вот Бог ваш! Бедные и нищие ищут воды, и нет еѣ; язык их сохнет от жажды: Я, Господь, услышу их, Я, Бог Израилев, не оставлю их. Открою на горах реки и среди долин источники; пустыню сделаю озером и сухую землю – источниками воды. Кропите, небеса, свыше, и облака да проливают правду; да раскроется земля и приносит спасение, и да произрастает вместе правда. Со гласом радости возвещайте и проповедуйте это, распространяйте эту весть до пределов земли; говорите: "Господь искупил раба Своего Иакова". И не жаждут они в пустынях, чрез которые Он ведет их: Он источает им воду из камня; рассекает скалу, и льются воды. Возвеселись, неплодная, не рождающая; воскликни и возгласи, не мучившаяся родами; потому что у оставленной гораздо более детей, нежели у имеющей мужа.

**ПРОРОЧЕСТВА МАЛАХИИ ЧТЕНИЕ** (из глав 3 и 4)

Так говорит Господь Вседержитель: вот, Я посылаю Ангела Моего пред лицом Твоим, который приготовит путь Твой пред Тобою, и внезапно придет в храм Свой Господь, Которого вы ищете. И кто выдержит день пришествия Его? Ибо Он – как огонь расплавляющий и как щелок очищающий, и переплавит сынов Левия, как золото и как серебро. И приду к вам для суда и буду скорым обличителем чародеев и прелюбодеев и тех, которые клянутся ложно и удерживают плату у наемника, притесняют вдову и сироту, и отталкивают пришельца, и Меня не боятся, говорит Господь Саваоф. Ибо Я – Господь, Я не изменяюсь; посему вы, сыны Иакова, не уничтожились. Со дней отцов ваших вы отступили от уставов Моих и не соблюдаете их; обратитесь ко Мне, и я обращусь к вам, говорит Господь Саваоф. И блаженными называть будут вас все народы. И тогда снова увидите различие между праведником и нечестивым, между служащим Богу и не служащим Ему. И они будут Моими, говорит Господь Саваоф, собственностью Моею в тот день, который Я соделаю, и буду миловать их, как милует человек сына своего, служащего ему. Помните закон Моисея, раба Моего, который Я заповедал ему на Хориве для всего Израиля, равно как и правила и уставы. Вот, Я пошлю к вам Илию пророка пред наступлением дня Господня, великого и страшного. И он обратит сердца отцов к детям и сердца детей к отцам их, чтобы Я, придя, не поразил земли проклятием, говорит Господь Вседержитель, Бог Святой Израилев.

## **ПРЕМУДРОСТИ СОЛОМОНА ЧТЕНИЕ (из глав 4 и 5)**

Праведник, если и рановременно умрёт, будет в покое. Умирая же, он осудит живых нечестивых; ибо они увидят кончину мудрого и не поймут, что Господь определил о нём. Ибо Он повергнет их ниц безгласными и сдвинет их с оснований, и они вконец запустеют и будут в скорби, и память их погибнет; в сознании грехов своих они предстанут со страхом, и беззакония их осудят их в лицо их. Тогда праведник с великим дерзновением станет пред лицом тех, которые оскорбляли его и презирали подвиги его; они же, увидев, смутятся великим страхом и изумятся неожиданности спасения его и, раскаиваясь и воздыхая от стеснения духа, будут говорить сами в себе: "это тот самый, который был у нас некогда в посмеянии и притчею поругания. Безумные, мы почитали жизнь его сумасшествием и кончину его бесчестною! Как же он причислен к сынам Божиим, и жребий его – со святыми? Итак, мы заблудились от пути истины, и свет правды не светил нам, и солнце не озаряло нас. Мы преисполнились делами беззакония и погибли и ходили по непроходимым пустыням, а пути Господня не познали".

**СПОДОБИ, ГОСПОДИ, в вѣчер сей без грехá сохранитися нам. Благословѣн еси, Господи, Бо́же отецъ нашихъ, и хвально и прославлено имя Твое во вѣки. Аминь.**

**Буди, Господи, милость Твоя на нас, якоже уповáхом на Тя. Благословѣн еси, Господи, научи мя оправданием Твоимъ. Благословѣн еси, Владыко, вразуми мя оправданием Твоимъ. Благословѣн еси, Святыи, просвети мя оправдании Твоими.**

**Господи, милость Твоя во век, дел руку Твоею не презри. Тебѣ подобáет хвалá, Тебѣ подобáет пѣние, Тебѣ слава подобáет. Отцу и Сыну и Святому Духу, ныне и присно и во вѣки вековъ. Аминь.**

### **СТИХИРЫ НА ЛИТИИ [ПРЕДТЕЧИ]:**

**Глас 1:** Что ты наречём, пророче,/ Ангела ли? Апостола ли? Или мученика?/ Ангела, зане́ яко безплóтен пожил еси;/ апостола, яко научил еси языки;/ мученика же, яко твоя глава за Христа́ усечётся.// Егóже моли помилovati души́ наша.

Отсеченней главѣ Предтечеве пáмять совершáем:/ тогдá ўбо на блюде источáющи кровь,// ныне же в концѣхъ пролива́ющи исцелѣния.

Днесь непреподобноделообразная мáти убийства,/ е́же от беззаконнаго сплетѣния своего́ всескверную дщерь/ над всехъ пророкъ богоизя́чна большаго,/ убийственнообразнымъ совѣтомъ лукавства:/ враждебному бо Ироду творящу пиръ своего́ сквернаго рождества́,/ с клятвою испросити устрои́/ чудоточную Богопроповѣдника честную́ главу́,/ е́же и соверши́ пребезумный,/ жѣнскому плясанію дав ту возмѣздіе, клятвенный дар./ Обáче не престá тайникъ Христо́ва пришествія/ богомерзкое смѣшеніе ихъ и по кончинѣ обличáти,/ но, обличáя, вопіяше:/ не подобáет ти, глаголя,/ прелюбодѣйствовати брата́ твоего́ Филиппа жену́./ О, рождѣнія пророкоубийственна/ и кровей напóлнена пѣра!// Мы же благочестному́дренне/ во усекновѣнии Предтечеве,/ белообразующе, праздноуемъ,/ яко в благона́рочитый день раду́ющеса,/ и умолимъ сегó благосердствовати Троицу/ от страстейъ безчестія́ избáвити нас// и спасти́ души́ наша.

**Глас 4:** Рождѣние неподóбно/ и пиръ безстуднейший Иродъ совершилъ есть./ Любодѣйствомъ бо жѣнскимъ услажда́емъ/ и нечестивымъ женонѣйствомъ подстрека́емъ,/ отсе́че главу́ Предтечеву,/ но не отсе́че языка́ пророческа,/ обличáющаго безуміе егó./ Проли́я кровь неповинну́,/ покрѣти хотя́ грехъ беззаконенъ,/ но ни о семъ скры́ гла́са,/ вопіющаго всемъ пока́ние./ Онъ ўбо свеселя́шеса убийствомъ,/ мы же спрáзднуемъ любóвию/ Крестителя́ Иоáнна блаженное заколѣние./ Предварѣ бо во áде,/ жизньъ проповѣдати сущимъ во тьме и сѣни смѣртней сядя́щим,/ свѣше́ востокъ Христо́а Бо́га нашего́,// еди́наго Многомилостиваго.

Проро́ка, и мученика, и Крестителя́ Спа́сова,/ приидите, лю́дие, восхва́лим:/ сей бо во плóти Ангелъ сый,/ Ирода́ изобличилъ есть,/ пребеззаконнаго любодѣя́нія содѣяніемъ осудивъ егó./ И беззаконнаго ра́ди плясанія/ честна́я глава́ отсека́ется,/ сущимъ во áде благовествуйá из мѣртвыхъ воскресѣние,/ и мо́лится приле́жно Господеви// спастѣ́ся душáмъ нашимъ.

Проро́ка, и мученика, и Крестителя́ Спа́сова,/ приидите, лю́дие, восхва́лим:/ яко бѣгая, в пустыни водворя́шеса,/ медъ дивий и акрѣды яды́й,/ царя́ беззаконнующа обличилъ есть;/ наше́ же малоду́шие утешáше, глаголя:// пока́йтеся, прибли́жи бо ся Цáрство Небѣсное.

*Не используйте листы с богослужебными текстами в хозяйственных нуждах.*

**Слава Отцу и Сыну и Святому Духу.**

[Глас 5]:

БЕЗЗАКОННАГО ДЕЯНИЯ ОБЛИЧЕНИЯ/ УБЕЖАТИ ИРОД УМЫСЛИВ,/ ГЛАВУ ТВОЮ, ПРЕДТЕЧЕ,/ БЕЗЗАКОННОЙ ЖЕНЕ ПРЕДАДЕ ПАКОСТНО,/ НЕ РАЗУМЕ БО ОКАЯННЫЙ, ОБЛИЧАЯ СЕБЕ,/ НА БЛЮДЕ ОБНОСЯ Ю./ Но яко чистоты дѣтельный учитель/ и покаяния наставник спасительный,/ молися, Крестителю Христовъ, // от страстей безчестия избавити нас.

**И ныне и присно и во веки веков. Аминь.**

Воспойте, людие, Матери Бѳга нашего, воспойте:/ днесь бо всесвѣтлую дѹшу Свою/ в пречистыя длани/ из Нея воплощагося без семене предаёт,/ Егѳже и молит непрестанно// даровати вселенней мир и велию милость.

СТИХИРЫ НА СТИХОВНЕ [ПРЕДТЕЧИ]:

**Глас 2: ПОКАЯНИЯ ПРОПОВѢДНИЧЕ, ИОАННЕ КРЕСТИТЕЛЮ,** / отсѣчене бѣвшей твоей главѣ,/ зѣмлю освятил еси,/ занѣ закон Бѳжий вѣрным уяснил еси/ и беззаконие потребил еси,/ яко предстоя престолу небеснаго Царя Христа, // того моли помилovati дѹши наша.

**Праведник, яко финикс, процветѣт, / яко кедр, иже в Ливане, умножится.**

Закона ради Господня/ во главу усекновен был еси,/ о всесвятѣй Иоанне! Обличил еси царя злочестива, беззаконновавша/ дерзновением непорочным./ Темже дивятся тебе воинства ангельская,/ славят тя лица апостол и мученик./ Чтим твою и мы летнюю память, всеславне,/ славяще святую Троицу, // тебе венчавшую, Предтече блаженне.

**Возвеселится праведник о Господе/ и уповает на Него.**

Иже от пророка пророк/ и болий пророков быв,/ из чрева матерня освященный в служение Господне,/ днесь от беззаконна царя в главу усекновен бысть,/ и безчестно плясавшую отроковицу,/ ясно и прежде усекновения и по усекновении обличив,/ посрамил греха полк./ И сего ради возопиѣм:/ Крестителю Иоанне,/ яко имѣя дерзновение, // прилѣжно молися о душах наших.

**Слава Отцу и Сыну и Святому Духу.**

[Глас 8]:

Предтече Спасов,/ ты царя изобличил еси беззакония не делати./ Темже играние беззаконной жены/ повину Ирода отсеши твою главу,/ и сего ради от восток солнца даже до запад хвально имя твое./ Дерзновение имѣя ко Господу, // прилѣжно моли спастися душам нашим.

**И ныне и присно и во веки веков. Аминь.**

[БОГОРОДИЧЕН, ГЛАС 8]:

Безневѣстная Дѣво,/ Яже Бѳга неизреченно зачѣнши плотию,/ Мати Бѳга Вышняго,/ твоих рабов мольбы приими, Всенепорочная,/ всем подающи очищение прегрешений:/ ныне наша молѣния приѣмлющи, // моли спастися всем нам.

**НЫНЕ ОТПУЩАЕШИ РАБА ТВОЕГО, Владыко, / по глаголу Твоему, с миром;/ яко видеста очи мой спасение твое, / еже еси уготовал пред лицем всех людей, / свет во откровение языков, // и славу людей твоих Израиля.**

ТРОПАРЬ ПРЕДТЕЧИ, ГЛАС 2 (дважды):

Память праведнаго с похвалами,/ тебе же довлѣет свидѣтельство Господне, Предтече:/ показал бо ся еси воистинну и пророков честнейший,/ яко и в струях крестити сподобился еси проповѣданнаго./ Темже за истину пострадав, радуясь,/ благовѣстил еси и сущим во аде Бѳга, являшагося плотию,/ взѣмлющаго грех мира // и подающаго нам велию милость.

**БОГОРОДИЦЕ ДѢВО, РАДУЙСЯ, / Благодатная Маріе, Господь с тобою:/ благословѣна ты в женах/ и благословѣн плод чрева твоего, // яко спаса родила еси душ наших.**

*Не используйте листы с богослужебными текстами в хозяйственных нуждах.*

ПСАЛОМ 33:

Благословлю Гóспода на всякое время,/ выну хвалá Его во устéх моих./ О Гóсподе похвáлится душа моя,/ да услышат крóтцыи, и возвеселятся./ Возвелíчите Гóспода со мною,/ и вознесём Имя Его вкупе./ Взыска́х Гóспода, и услыша мя,/ и от всéх скорбéй моих избáви мя./ Приступíte к Немú, и просветíteся,/ и лица вáша не постыдýтся./ Сей нíщий воззвá, и Гóсподь услыша и,/ и от всéх скорбéй Его спасé и./ Ополчíteся áнгел Гóсподень óкрест боящихся Его,/ и избáвит их./ Вкусíte и вíдите, яко благ Гóсподь:/ блажéн муж, íже уповáет Нань./ Бóйтесь Гóспода, всí святíи Его,/ яко несть лишéния боящимся Его./ Богáтии обнищáша и взалкáша:/ зыска́ющии же Гóспода// не лишáтся всякаго блага.

**КОНЕЦ ВЕЧЕРНИ. НАЧАЛО УТРЕНИ**

*(выключается свет, читается шестопсалмие: 3, 37, 62, 87, 102, 142 псалмы)*

**БОГ ГОСПОДЬ, И ЯВИСЯ НАМ, БЛАГОСЛОВЕН ГРЯДЫЙ ВО ИМЯ ГОСПОДНЕ**

ТРОПАРЬ ПРЕДТÉЧИ, ГЛАС 2 (ДВАЖДЫ):

Пáмь прáведнаго с похвалáми,/ тебé же довлéет свидéтельство Гóсподне, Предтéче:/ показáл бо ся есí воистинну и прорóков честнéйший,/ яко и в струя́х крестíти сподóбился есí проповéданнаго./ Тэмже за íстину пострадав, рáдуясь,/ благовестíл есí и сущим во áде Бóга, являшагося плóтию,/ взéмлющаго грех мíра// и подающаго нам вéлию мíлость.

**СЛАВА И НЫНЕ:** БОГОРОДИЧЕН, ГЛАС 2:

Вся пáче смýсла,/ вся преслáвная Твоя, Богорóдице, тáинства,/ чистотé запечатанной и дéвству хранíму,/ Мáти познáлася есí нелóжна,/ Бóга рóждши Истиннаго:// Тогó моли спастíся душáм нáшим.

*...ДАЛЕЕ ЧИТАЮТСЯ КАФИЗМЫ...*

*(по уставу положено читать 2 кафизмы, но в разных храмах в зависимости от традиции, чтение псалтири может быть сокращено до нескольких псалмов или вовсе пропущено)*

ПОЛИЕЛÉЙ:

|   |            |
|---|------------|
| Хвалíte Имя Гóсподне, хвалíte, рабí Гóспода.              | АЛЛИЛУ́ИА. |
| Благословéн Гóсподь от Сиона, живýй во Иерусали́ме.       | АЛЛИЛУ́ИА. |
| Исповéдайтесь Гóсподеви, яко Благ, яко в век мíлость Его. | АЛЛИЛУ́ИА. |
| Исповéдайтесь Бóгу Небéсному, яко в век мíлость Его.      | АЛЛИЛУ́ИА. |

**ВЕЛИЧА́ЕМ ТЯ, / КРЕСТÍТЕЛЮ СПÁСОВ ИОА́ННЕ,/ И ПОЧИТА́ЕМ ВСИ//  
ЧЕСТНЬЯ ТВОЕЯ́ ГЛАВЫ́ УСЕКНОВÉНИЕ.**

ПРОКИМЕН, ГЛАС 4: Честнá пред Гóсподем/ смeрть преподóбных Его.

Стих: Что возда́м Гóсподеви о всех, яже воздаде́ ми?

**ЕВАНГЕЛИЕ ОТ МАТФЕЯ, гл. 14: 1 – 13 (перевод на русский язык)**

В то время Ирод тетрарха услышал молву об Иисусе и сказал служащим при нем: это Иоанн Креститель; он воскрес из мертвых, и потому чудеса делаются им. Ибо Ирод, взяв Иоанна, связал его и посадил в темницу за Иродиаду, жену Филиппа, брата своего, потому что Иоанн говорил ему: не должно тебе иметь ее. И хотел убить его, но боялся народа, потому что его почитали за пророка. Во время же празднования дня рождения Ирода дочь Иродиады плясала перед собранием и угодила Ироду, посему он с клятвою обещал ей дать, чего она ни попросит. Она же, по наущению матери своей, сказала: дай мне здесь на блюде голову Иоанна Крестителя. И опечалился царь, но, ради клятвы и возлежащих с ним, повелел дать ей, и послал отсечь Иоанну голову в темнице. И принесли голову его на блюде и дали девице, а она отнесла матери своей. Ученики же его, придя, взяли тело его и погребли его; и пошли, возвестили Иисусу. И, услышав, Иисус удалился оттуда на лодке в пустынное место один; а народ, услышав о том, пошел за Ним из городов пешком.

*Не используйте листы с богослужебными текстами в хозяйственных нуждах.*

**СЛАВА:** Молітвами святаго славнаго Пророка, Предтечи и Крестителя Господня Иоанна,  
Милостиве, очисти// множество согрешений наших.

**И НЫНЕ:** Молитвами Богородицы, Милостиве, очисти множество согрешений наших.

Помилуй мя, Боже, по велицей милости Твоей, и по множеству щедрот Твоих очисти беззаконие мое.

**СТИХИРА ПРЕДТЕЧИ, ГЛАС 6:** Пляса ученица вселукаваго диавола/ и главу твою, Предтече, мзду взят./  
О, пира, исполнена кровей!/ Лучше бы не клятися, Ироде беззаконне, лжи внуче./ Аще ли же и  
клялся еси,/ но не о добре клялся:/ лучше бы солгавшу жизнь получитьи,/ неже истинствовавшу  
главу Предтечеву усекнути./ Но мы Крестителя, яко в рожденных женами больша,// достойно  
чтуще, ублажаем.

..**ДАЛЕЕ ЧИТАЕТСЯ КАНОН ПРАЗДНИКА...**

*Во время помазания прихожан елеем читается канон Иоанна Предтечи, в котором раскрывается смысл и красота празднуемых сегодня Церковью событий.*

ПОСЛЕ 6-Й ПЕСНИ КАНОНА:

**КОНДАК ПРЕДТЕЧИ, ГЛАС 5:**

**Предтечево славное усекновение/ смотрение бысть некое Божественное,/ да и сущим во Аде  
Спасово проповестъ пришествие./ Да рыдает убо Иродия,/ беззаконное убийство  
испросивши:/ не закон бо Божий, ни живый век возлюбь,// но притворный, привременный.**

ПОСЛЕ 8 ПЕСНИ КАНОНА:

**ПЕСНЬ ПРЕСВЯТОЙ БОГОРОДИЦЫ:**

**Величит душа Моя Господа / и возрадовася дух Мой о Бозе Спасе Моем.**

Честнейшую Херувим / и славнейшую без сравнения Серафим, /  
без исления Бога Слова рождшую, / сущую Богородицу, Тя величаем.

**Яко призре на смирение рабы Своя, / се бо, от ныне ублажат Мя вси роди.**

**Яко сотвори Мне величие Сильный, и свято имя Его, и милость Его в роды родов боящимся Его**

**Сотвори державу мышцею Своею, / расточи гордыя мыслию сердца их.**

**Низложи сильныя со престол, / и вознесе смиренныя, алчущия исполни благ, / и богатящияся  
отпусти тщи.**

**Восприят Израиля отрока Своего, / помянути милости, / якоже глагола ко отцем нашим, /  
Аврааму и семени его даже до века.**

ПОСЛЕ КАНОНА:

**СТИХИРЫ НА ХВАЛИТЕХ [Предтечи, ГЛАС 8]:**

**ВСЯКОЕ ДЫХАНИЕ ДА ХВАЛИТ ГОСПОДА.**

**Хвалите Господа с небес,/ хвалите Его в вышних.// Тебе подобает песнь Богу.**

**Хвалите Его вси ангели Его,/ хвалите Его вся силы Его.// Тебе подобает песнь Богу.**

**Хвалите Его на силах Его,/ хвалите Его по множеству величества Его.**

О, преславнаго чудесе!/ Священную главу и Ангелом говейную/ нечистая блудница ношаше,  
отроковица,/ обличившую деяние беззаконно,/ прелюбодейце матери принесе./ О, неизреченнаго  
твоего терпения, Человеколюбче!/ Имже, Христе, спаси души наша,// яко един Благоутробен.

**Хвалите Его во гласе трубнем,/ хвалите Его во псалтири и гуслех. - повтор предыдущей стихир**

**Хвалите Его в тимпане и лице,/ хвалите Его во струнах и органе.**

О, Иродова окаменения!/ Обезчестивый Бога законными преступленьми,/ клятвы соблюдением  
лестне лицемёрствует/ и к прелюбодейнию убийство прилагает,/ сетовати творяйся./ О,  
неизглаголаннаго твоего милосердия, Владыко!/ Имже, Христе, спаси души наша,// яко един  
Благоутробен.

**Хвалите Его в кимвалех dobroglasных, хвалите Его в кимвалех восклицания./ Всякое дыхание  
да хвалит Господа.**

О, паче ума удивления!/ Пророков печать, земный Ангел/ блудному плясанию показуется цена,/  
богословный язык,/ предпосылается и сущим во Аде/ Христов провозвестник./ О, несказаннаго  
твоего промысления, Владыко!/ Имже, Христе, спаси души наша,// яко един Благоутробен.

**СЛАВА, глас 6:** Паки Иродия бесится,/ паки смущается./ О, плясания льстивна и пира с лестию!  
Креститель усекашеся,/ и Ирод смущашеся./ Молитвами, Господи, твоего Предтечи// мир подаждь  
душам нашим.

**И НЫНЕ:** Богородице, Ты еси лоза истинная,/ возрастившая нам Плод животА,/ Тебе молимся:/  
молися, Владычице, со святыми апостолы// помилovati души наша.

*Не используйте листы с богослужебными текстами в хозяйственных нуждах.*